

澄城縣志卷十五

人物三

白銀字完金長閏鎮乾隆丙辰 恩貢生性耿介終日端坐無情容見者莫不畏服家貧授徒於外成就甚衆年七十餘卒門人立碑於墓左

問匡璽字介圭陰泉里小河西監生祖希參父成酌出粟賑濟舉鄉飲賓兄匡玳字玳化乾隆初與匡璽復賑知縣劉世洪扁于門匡璽子班祿乾隆丁酉武舉世祿捐把總銜匡玳子京祿監生田祿武生班爵字遵周監生嘉慶甲子又賑鄰村八社全活甚衆癸酉捐銀一百四十兩助修永慶橋京祿子彬班祿子彰班爵子賡俱監生仁早卒鵬程監生世祿子

澄城縣志

卷十五

人物三

一

生華武生

黃琮懷仁村人曾祖家棟鄉飲賓崇正庚辰斗米錢四千家棟按本族戶口每人日給米三合全活者五十餘家并出粟散鄉鄰村東廟前立碑二今猶存家棟子洪基輝基孫世醇俱諸生世熙鄉飲賓康熙辛丑賑通道闔里琮承累代素封箕裘弗替乾隆乙丑復出粟濟饑知縣李喬扁于門子君用諸生雲漢監生人稱良醫雲漢子炳元諸生以醫學紹其父炳元子河清諸生榜顯監生亦業醫

王文威通振里鎮基村監生乾隆丁卯施粟五十石賙鄰杜樅長閏鎮人性孝友事繼母路氏孝出得甘旨必懷之歸五十餘年定省之禮未嘗有缺乾隆戊辰歲饑樅年六十餘

負米洛川以供母母卒哀毀幾廢飲食撫二弟森蕃森爲諸生蕃亦業儒樅年八十有五卒

李永清長閩鎮南關監生乾隆戊辰出粟五百石賑濟巡撫給扁獎勸鄉人立石以記素好讀書守禮法親喪三年足不履市晚年友愛彌篤弟澄清早卒妻惠氏撫遺腹子成立請旌建坊揚青諸生玉青附貢生每遇荒歲亦必賑恤人謂不墜兄風云澄清子大章諸生事孀母以孝聞揚青子大鯤字天池乾隆丙午舉人甘肅安西州學正大麟字龍菴廩生能文工書將貢而卒大章孫中廩生課徒嚴敏亦未貢中子殿甲諸生

姚毓琪字崑山業善里西南村例貢生曾祖汝梅字花吾操

澄城縣志

卷十五

人物三

一一

行耿介喜施與輸地數十畝供族人每年官差鄉閭德之花吾老人之稱祖諦虞諸生父致中字子正監生諦虞兄經虞鄉飲賓經虞子致和致志俱諸生致和舉鄉飲介賓乾隆丙寅出粟賑濟知縣李喬旌其門又二年戊辰毓琪復出粟賑濟全活數堡五世同居諸子諸孫輩無異言致和子元傑獻璋致志子元璋俱諸生毓璋奉璋俱監生元傑子灼諸生燦字闇公廩貢生狄道州訓導咸甯縣教諭耀州學正陞榆林府教授毓琪子遜字敏齋諸生乾隆庚子壬子皆出粟賑濟晚年有負債者盡焚其券毓璋子燈監生克定諸生元璋子煜玉燭俱諸生奉璋子秉文廩貢生候銓訓導秉康議敘八品銜獻璋子清彥清選灼子良智俱諸生遜子良嗣字孝

蒸一字肖元嘉慶乙丑歲貢鳳翔縣訓導良貴字榮堂諸生
燈子良相增生玉燭子良策從九職秉康子培初諸生良智
子之駿字昂千嘉慶辛酉拔貢候銓教諭良策子卜先諸生
抱孫時祖猶存良嗣子健字相天俊字秀升俱諸生俸字蓋
臣廩生以目疾失明辭貢儀字可亭良貴子菑字美若瀉千
字匯一增生莅字莊坡之駿子辛銳健子廷璧儀子廷璿俱
諸生菑子錫玠莅子劭誠榜名演緒道光己酉舉人錫玠子
性靈諸生

石得玉字溫如陰泉里石家坡監生祖明倫康熙戊寅舉鄉
飲賓叔祖金聲諸生父璞字荆山乾隆戊辰賑濟兄得志字
九霄諸生得玉樂施予遇歲稔累出粟以周里黨因貯之公

澄城縣志

卷十五

人物三

三

所春季納田賦濟貧乏秋成後仍收貯公所周而復始一村
五十戶無貧窘者闔鄉爲立碑白水縣知縣寶應王希伊撰
記子學健字承宗附貢生學健子上珍字席菴捐布政司理
問加捐兵馬司指揮入都謁選聞父病馳歸至家父已沒遂
不出嘉慶癸酉捐千金於陰泉西建永慶橋白矯亭健翮贈
以詩上珍子發祥早卒振之例貢生

石智業字玉明監生與得玉同祖父讓字遜之鄉飲賓乾隆
戊辰出粟賑濟知縣李喬扁於門教諭毛繼武作傳命智業
勒于石智業子恬捐都司銜嘉慶乙丑賑濟張坤田南雅撰
碑蒲城崔少山侍御問余書丹恬子邦用孫德世武生

張行可字寵賢陰泉里畱莊村人六世祖坤字承菴崇正庚

辰出粟賑濟村人立碑乾隆戊辰行可與兄居可弟久可復
出粟賑濟教諭郝敏撰碑嘉慶丙辰行可年八十赴千叟宴
御賜龍頭杖銀胸牌子
御筆詩一軸庚申創建湯房施地十畝教諭朱解元謙撰碑
居可子正行可子凱久可子元俱監生元子成清正子選清
俱監生凱孫五美諸生

党廣育韋莊鎮人乾隆戊辰歲饑百里外負米養親母有宿
疾求醫不避艱險母歿權厝中堂居次數年里黨稱之道光
己丑督學周公扁於門

張習書字同文太慶里柳泉村諸生父朝堂字陞之康熙辛
丑出粟賑濟雍正壬子知縣董權文教諭侯臯延爲鄉飲賓

澄城縣志

卷十五

人物三

四

兄習潘字廷函鄰夜獲賊將送縣習潘勸令釋之并贈資使
改行乾隆戊辰與習書同施粟知縣李喬扁于門壬申習書
又賑路明經小千紀以文習潘子士奇士俊俱貢生士奇字
瑜琬知醫施藥活人甚衆士俊字榮升號西園士奇子廷選
字汝遴諸生廷捷字月三廷授字寵錫俱監生嘉慶癸酉亦
與士俊同施粟知縣尹振麟給扁士俊子廷振字玉堂捐主
簿銜廷選子維清字緝熙諸生早卒遇清字合臣廩生
張忍時莊里柏社西村人乾隆戊辰輸粟賑濟知縣李喬扁
于門

焦貴錫陽城里堡城村人乾隆戊辰輸粟賑濟親沒廬墓知
縣梁大端扁于門孫大良亦廬墓施湯現年七十六歲

張洪毅字重遠馮原鎮諸生好義樂施乾隆戊辰有鬻子者夜號哭村外或告洪毅洪毅使人覓之乃鄰村曹某也詢其故曰夫婦祇此子貧不能度日鬻于宜川客與子痛不忍離耳洪毅爲出金贖之年八十有七卒

張有爲成人傑成杰皆有義行遇歲歉多出粟賑濟巡撫陳文恭公旌其門曰善在一鄉杰尤仁心爲質迄今縣西北鄉稱善人者必首推焉

姬文案時莊里姬家河人性仁慈立育嬰院鄉里有貧不乳兒女者收而育之全活甚衆值歲饑傾粟賑濟舉鄉飲賓年九十一卒知縣李喬旌其門子鑑天嗜學好古尤喜讀陰隲文乘間卽聚鄰子弟講陰隲事聽者盈庭修橋路之壞者行

澄城縣志

卷十五

人物三

五

人賴焉有善人之目舜天監生舜天子樞民例貢生父子俱以善書名

蒙文華賢得里新莊村人出粟濟鄰乾隆庚午立碑

韓翊珍廩生給諫一良元孫曾祖繩武祖啟佑俱諸生翊珍博學善文有聲鬻序弟羽寬字舒公乾隆己卯歲貢生

白凌雲字文光長閩鎮乾隆己卯舉人辛巳進士少貧嗜學爲諸生三十年舌耕餬口後選鞏昌府教授五年卒于官弟凌漢字劍光廩生授徒于縣西張家莊凡二十年成就甚衆生平取與之際尤不苟凌雲子寅亮諸生

權學易樂善好施數出粟濟窮乾隆庚辰夏雹雨竟日麥禾盡偃學易計口分食里上其事知縣陳啟宗書名于旌善亭

延鄉飲賓學易固辭曰以有濟無農家之常何德之有人愈重之

王吉士字藹如南纂業村諸生性肫摯事祖母以孝聞爲經師成就者衆乾隆戊戌卒無子自撰墓碑辭甚悽惋

白明禮字立山一字約亭號東川乾隆庚辰舉人八世祖文魁嘉靖乙酉舉人河南偃師縣知縣族居西鄉長閨鎮高祖日新明末監生布政司經歷營別墅於藺莊河遂家焉曾祖鶴年祖好問俱諸生父鯤兩世以明禮貴累

贈如例昆季六明禮行四兄雲飛諸生早卒明仁明義弟明智明信家初裕以食指日繁漸落明禮與明智俱從王先生吉士學後無力從師兄弟自相督課每晨詣河擡水往返十

澄城縣志

卷十五

人物三

六

餘次以所讀書互爲背誦十日成時藝百篇師擊節贊賞明智尤不羈問師曰鄉會有可售否師笑頷之明智出師語及門曰渠固狂士然能如其言非妄語也未弱冠相繼爲諸生旋並食餼試輒前茅顧秋闈屢躋明禮年逾三十始舉於鄉壬辰大挑選臨潼縣教諭勤訓誨嚴約束潼俗多同姓爲婚有某節婦例合請

旌上臺以同姓批駁明禮手書徧諭餘風漸革俸滿卓異陞平涼府教授甲寅選湖南桂陽縣知縣郴州知州劉某以有重聽之譖讞獄三案委於州署審訊明禮一一詳問片刻立判劉驚服褒獎桂陽獍匪雜處素號梗化明禮惡惡甚嚴棍徒斂迹代理興甯值苗匪滋事興桂俱辦軍需大府疑一人

理兩縣勢不能給劉郴州曰白令雖年邁而精神矍鑠觀其政績乃立意作好官者比兵差事竣民不知擾在桂陽五年訟庭無人不異作教官時公餘課諸子必命題批閱有不合者輒口占數藝桂陽舊無書院科第寥寥明禮因城外先農壇房宇頗寬延邑人前江西東鄉縣知縣范進士宗裕主講其中月課猶親爲改竄嘉慶戊午掇巍科者三人士林傳頌後從祀濂溪祠年七十致仕杜門不出著書自娛有論孟臆說中庸臆說讀易臆說逐卦逐爻務求愜心稿凡三易而後成制藝作過輒棄今所存者臨潼課士錄平涼課士錄平涼訓子錄桂陽訓子錄樂此堂稿宦遊幾三十年累遇覃恩爲兄雲飛明仁各請

澄城縣志

卷十五

人物三

七

貽封贈明智字崇天乾隆庚子歲貢生延安府訓導亦貽封明義如其官里人榮之明禮卒于嘉慶壬申壽八十三子玉樹嗜岐黃術醫書悉熟記王海監生潛心典籍六十後猶應鄉試兼通形家者言玉山字崑源號仙橋生于臨潼學署十歲爲文卽有可觀值父入都謁選季父明智鍾愛之日課無或曠玉山錄其小品文彙集成編序跋珍藏尋侍母赴桂陽與兩兄承歡膝下恒終歲不出署蕭然寒素絕無紈袴氣不二年奉父歸田旋遭母喪服闋始爲諸生授徒養親繕寫讀易臆說請督學汪公鏞鑒定白水武孝廉延教其子以親老辭及父歿館於柳池村王竹亭贈以詩有仞牆嚴拒訪花侶斗室難邀入幕賓之句又館於業善村愴然曰此吾父

昔年設教地因多方搜其手澤嘉慶丙子玉山年三十七累薦不售歲科試屢列優等僅補增生是科仍以額滿見遺榜後始食餼乃應白水武氏聘更爲韋莊東篋圃教幼孫皆數年時黃孝廉庭秀館涇陽劉氏公車赴挑薦玉山自代劉故豪侈燕飲無虛日玉山性簡默喜靜坐骨峻神清見者起敬甫終歲辭歸大荔李觀察凌雲延至河南居五年以病旋里數月卒年五十四生平無他嗜好手不釋卷講解確切一字不肯蒙混嘗撰澄音辨誤黃庭秀爲之序稱其有益初學工篆書求者接踵不絕著有詩文雜作若干卷

劉文雅先進里光祿村人撫養外孫賈際昌延師督課數十年無懈際昌爲諸生懇知縣額樂春扁獎之子廷玘乾隆癸未出粟濟鄰訓導中衛歲貢程翼翬給扁會甯舉人王言綸舉鄉飲賓應元諸生廷玘子聯桂字香亭生于乾隆丁丑嘗應童試晚精醫理治病輒效現年九十四歲聯桂子若莖字沅卿諸生有文名早卒若荃增生

喬大益馮長里人有孝行母病篤醫云不治大益哀懼密禱壺山誓割肌救母病竟愈醫怪之有山僧當禱時聞知遂傳其事

崔曰平南白村人性篤孝父歿朝夕在墓側不閒風雨負上築墳每鮮果時食薦墓前手植柏數十株周三里許望之蔚然若城人呼爲柏城孝子

姚長發業善里人伯父客死于武當山滴血認骨負之而歸

常務商以備父母養一日自山東歸黃河大漲長發痛哭祈禱河水忽平得一小舟傾刻而渡迴視波濤如故值歲旱秋禾多槁長發穀獨逾石人以爲孝感知縣旌其門子受祿乾隆壬子卒壽七十七嘉慶己巳

旌表孝子入祠

王文進新其里人以木工爲業在外聞母疾馳歸母已屬續痛哭幾絕及葬廬墓旁踰五載猶依依不離云

韓元士永安里醍醐村諸生弟穎士監生相友愛白首無間每遇歲饑出粟賑乏不計其償其常待以舉火者十百人咸德之

惠虎凝靖凝異母兄弟也相友善出入飲食必與共終其身

澄城縣志

卷十五

人物三

九

無間言鄉人化之

問經柱陰泉里小河西人其姊適張氏貧孤無依經柱迎與同居者二十餘年姊年八十有五其子若婦日問起居進甘旨如事父母然

問憶字大年廩生父鳴珂增生從父鳴玉監生憶志行端潔言動不苟非親屬罕與面焉鳴玉偶執鶉值憶入候匿鶉懷中比憶出而鶉斃鳴玉子縱例貢生憶弟檀諸生

張邦彥諸生性孝友父母不懌輒跪受杖父沒事兄如父名著里中

張維性敏慧讀書博識操行端介舉鄉飲賓

張連清嘗修橋道利濟行人人義之名其橋曰清德

成文埴吉安城監生慷慨好施創修義學置地五十畝爲塾師修脯費由是子弟彬彬多就學焉子廷獻諸生現年八十一歲

王語好施與設義學義塚修橋路施絮衣及棺席遇荒捐粟賑助義行著于鄉閭

王天紀王代里柳池村人性醇謹以孝聞比中歲家漸殷富鄉里賴以生活者甚衆嘗以乏

國課捐助陰泉永安二里銀三百兩不計其償知縣旌其門舉鄉飲賓至今里人稱道弗衰子演早卒孫有進監生有進子士奎武生士元監生

習明理先進里西習村人乾隆庚寅父四科腰生瘡明理割

澄城縣志

卷十五

人物三

十

臂肉烹療父瘡隨愈道光戊子學憲馮給扁

馮耀璧字温若長政里蔡鄧村監生乾隆辛卯施粟三十石弟耀璋字玉若善治痘比鄰姚姓子出痘請視之耀璋曰痘甚險然非不可治俄氣絕耀璋令勿棄明日當甦後竟痊人訝爲神耀璋子泰字魯瞻繼父志獲效亦速耀璧子舒一名占魁例貢生泰弟愷字樂易嘉慶丙寅與兩兄復賑鄰泰子錫輅字閑輿錫輅子汝翼俱諸生

楊樂奉政里柏門村南嶺上人乾隆壬辰出粟濟荒子學讓監生嘉慶甲戌復賑學讓子天爵從子天貴俱監生向榮諸生

趙暉宗字洪寬忠信里彭家河人乾隆乙未祖在省沒暉宗

請于父全珍欲廬墓母已病不許丙申母沒葬祖墓旁暉宗就田間築土室攜幼女居焉庚子六月暉宗奉父命攜家譜并守墓日記求白水縣知縣寶應王希伊作傳

党元禧字允吉韋莊鎮例貢生乾隆丁酉出粟七十餘石賑濟嘉慶壬戌知縣扁於門子仰芬諸生

陳曰海字百川郭下里醜村乾隆戊戌歲貢生貌矮神秀文筆馳騁蓬蓬勃勃如釜上氣弱冠入庠試輒前列與辛己進士白凌雲齊名建書樓課子酷暑嚴寒手不釋卷有偷兒伏地竊穀曰海潛至隴上曰恐吾家兒輩知之爲助割刈令負之速去年八十餘猶著紅袍屢應秋試闈中傳爲紅袍老生弟曰澤曰泮鄉飲賓曰海子慶蘭諸生茂蘭訓蒙村塾終

澄城縣志

卷十五

人物三

十一

困童試曰澤子遇丙諸生日泮子佩蘭早卒妻王氏苦節撫孤奉

旨旌表玉蘭監生遇丙子三頌監生三軍武生佩蘭子學武玉蘭子學成俱監生

張廷珂字公佩閩東里三門村監生早喪父其祖辰霄哭子失明廷珂年方十歲代父盡孝飲食起居不少離廷珂幼育于叔母王氏王寢疾廷珂子女林立湯藥必親嘗垢衣必親浣比卒棺椁葬祭一準諸禮鄉鄰重焉子六彥光和光俱監生霞光乾隆己亥武舉恒光葆光遠光俱諸生和光字山立幼隨父居典肆每事必躬親未嘗諉諸僕御或請代答曰事父我職也豈人所能代者父沒伯氏繼亡事母問氏先意承

歡餽遺甘旨不絕每自肆歸寢處不離母所教諸弟恩義勤
懇霞光字耀闕中年患癩和光遍訪良醫漸就平復恒光字
北岳早罷省試代兄理家督傭鳩工田宅益擴果園蔬圃生
趣盎然葆光字聖功遠光字厚植從族明經南金學明經性
方鯁動輒見罪和光聞卽負荆長跪請責必師首肯乃起葆
光年近四十始爲諸生和光泣曰某幸不枉向人屈膝矣家
中食指日衆內外雍睦數十年無閒言和光子汝謙字吉六
恒光子桂林字長百汝翮字儀亭葆光子汝秀字采三俱諸
生汝翮子公燕增生大均道光己酉舉人
張謙光字奉六閩東里張家莊乾隆庚子 恩貢生廉靜寡
欲常閉戶數月不見一人舉鄉飲大賓

澄城縣志

卷十五

人物三

十一

韓維翰字鎮侯號東藩西觀里北窪村乾隆丁未歲貢生年
十八受知於太守李松村掌教平芸圃伙助膏火禮遇極優
甲午丁酉累膺房薦庚子主司擬爲魁以謄錄多謬字見擯
工書法善琴操尤邃於易著有周易彙解五卷澹凝齋時藝
若干首俱未梓子四根定字志蘭諸生根潤字德生號東垞
道光壬辰歲貢生嘉慶甲子丙子己卯屢薦不售年五十後
棄舉子業日事丹鉛家藏六經皆細字旁註書眉行間無隙
地諸史手錄成帙積紙厚二尺許喜作詩時爲古文辭里中
有忠孝節義事關風化者皆序實傳記著有寸草草堂詩集
二卷東垞文存二卷根正字松盤諸生根固字貞幹廩生昆
季四人自相師友所作詩文共爲一編曰華鄂集藏于家根

潤課徒有法教從子仰山次山俱諸生根正子筆山根固子卓山根潤子起山同案諸生

韓學程字步伊號槐亭維翰仲兄三歲時爲族伯大沈嗣五歲讀書一過目輒不忘少以孝聞長貧未能從師喜近族中老宿質疑辨難必明晰後已借讀無虛日見聞益廣爲書賈某出資聞一未見書指名販發閱畢方鬻完好如新羣書撐腸拄腹伏案者無其確也始以出嗣居南窪嗣父母歿後復移居北窪就養本生母母歿服闋於北窪村南營別墅環堵一區南北鑿兩戶南戶外有槐二株虬枝遠引竹木奇石潔絕纖塵恒鍵戶數日不啓好遊佳山水與人言古蹟名勝瞭如指掌操履嚴整少年戲謔者斂迹相戒婦女往來鄰舍聞

澄城縣志

卷十五

人物三

十二

聲卽匿不敢出妻早卒無子所有田產盡付嗣父胞姪學思已復歸宗以根正爲嗣終身不應試有手錄史書彙要藏于家

馬維登字瀛洲新其里東白村諸生父承興與弟承業承金以孝友聞承業字紹復幼失怙隨母依舅氏家及長爲人傭工積儲稍裕營什一之利苦不識字默記數日浼村中識字者逐一登記以酒食款之或酒食不如意輒怒不爲記承業謂兄曰彼識字者如是貴重兄有子維登何不令讀書識字免求他人耶遂延白虛舟明經有涵致敬盡禮饕必親送復創修先祠房舍寬敞費數千金內附家塾爲延師地年五十餘始生子斯才後壽逾八旬榮膺粟帛見曾孫焉維登重學

敦行教子弟有法出粟數百石賑貧略無德色時目爲周急
君子嘉慶丙辰與千叟宴弟維祺從弟斯才俱諸生斯才字
公力慷慨樂施精岐黃壽七十舉鄉飲介賓承金子斯臧一
名星柱童試前列殆遍終未售維登子冀字伯野廩生駒字
渥川斯才子蕃字康侯俱諸生庶字若林號毅齋監生善體
祖父志尊師重道爲師設臥具滌便器不假手僮僕臨潼田
侍御潤爲撰遺事傳見藝文錫字命三庶子方臯字贊臣倚
待字試言俱諸生方臯早卒著有信好編四美集未梓錫子
方義廩生倚待子寶書字子緗榜名玉堂道光乙未舉人甲
辰大挑二等乙巳進士分發四川知縣署奉節定遠現補蓬
溪縣知縣寶善道光己酉拔貢

澄城縣志

卷十五

人物三

十四

何種元字恒齋寺前鎮乾隆己酉副榜受業白水縣知縣王
希伊博學能文教人多成就著有四書近思錄四書集類四
書小學西山倡和集子志淳諸生遷居涇陽各書藏族門人
增生天衢家

同寵光字翼庭永安里許莊村例貢生乾隆己酉出粟濟荒
嘉慶甲子復賑子占泰諸生建珍監生占泰子學莊監生建
珍子錫淳諸生

姬惠周西觀里棗原村人赤貧遠賈乾隆辛亥道經朝邑阿
石村拾銀百餘兩負至村店守候次日聞村人路廷楷遺銀
其家疑爲詐匿廷楷不能自明惠周令店主招廷楷細問數
目同衆盡交仍是原封並未啓視觀者歎服

楊魁斌字文軒王代里柏門村乾隆壬子武舉父興世字起庵以德行與鄉飲魁斌早肩家務未得肆力詩書生平常以爲憾勤學好問吐屬不似武人性寬厚無禮者不與校見貧苦加意周恤及將沒有欠債者焚其券里人至今稱之子麒鳳字瑞林捐經歷銜麒麟鳳子靖邦字子嘉道光乙酉拔貢生靖邦子汝濤廩生

孫綿武王代里西下村增生弟繩武監生乾隆壬子施粟李春芳吉安里年莊村例貢生父維追乾隆壬辰出粟濟荒癸丑春芳復賑弟春和例貢生春芳子邦選廩貢生署中部高陵二縣訓導邦英一名生蘭武生捐都司銜道光己丑孫堡村立義學施地一頃庚寅馮原鎮北溝修橋壬辰本村立

澄城縣志

卷十五

人物三

十五

義學施地一頃四十畝癸巳捐錢五百緡給乞人衣乙未賑濟春和子邦成例貢生邦選子逢泰捐府知事銜

葉王熊義井里人事母孝母沒每食必薦不入內不出外依柩而居者幾年嘗寤寐獨語恍惚若母之生者家人怪之因舉葬玉熊結廬墓側八閱月而得疾疾革命弟勿移已于家弟不忍違其意卽葬母墓旁張明經南金爲作傳

惠彥漢字文園 里惠家河乾隆甲寅歲貢生六世同居督學馬太常履泰旌其門孫選澍諸生

雷雨字伯霖太慶里迪家河乾隆乙卯舉人聰慧絕倫讀書數行俱下過目輒成誦爲文頃刻十數藝從無點竄塾師不能易一字官臯蘭教諭以病乞休制軍長公固留之竟致仕

歸道光丁亥卒年六十七

董序爵字班卿號平原白龍里武生始祖某事元世祖至元戊子以軍功勅牒充蒙古千戶墓在陽莊村西有至治壬戌碑文剝蝕失其名序爵善治瘍相形診脈先藥餌而後鍼砭積年沈痼著手奏效有備物酬者嚴卻之嘗語人曰昔范文正公以良醫儼良相旨哉言乎學者醒得二字乃可攜青囊以救世不然視人命如草芥耳大荔某腕生瘡與一內服方曰服四劑可全愈數月復視甫啓膏訝曰止服二劑耶仍須服如數否則殆矣羣驚爲神遇風雪嚴寒或靜夜敏門必倉皇去曰病家依醫爲命不去則其家不安也卒年四十六後五十餘年人猶稱道弗衰子大章道光己酉歲貢生再從子

澄城縣志

卷十五

人物三

十六

大絡字貫一號小原大章蒙師也幼嗜學年十六患嘔血及少愈訓蒙家塾專力岐黃每謂醫者意也須法古而不泥於古若拘常格執成方往往爲所誤鄰女年十七寒食節坐鞦韆下大絡曰斯女面色枯白金克木象木正盛而色若此何能生不踰月果如其言延者車馬盈門必以來之先後爲序或初至者無車馬卽徒步勿恤也年五十六歿知者無不垂涕子濟清監生

習爾熾字長烈遵教里諸生父惟讓字遜臺爾熾授徒里中遇貧者不索脩金并供紙筆費累出粟賑濟舉鄉飲介賓弟所閑族弟景儒嘉慶庚申歲貢生耿介不阿善排難解紛官清澗縣訓導壽八十四爾熾子應軫字載德嘉慶辛未歲貢

生遵父遺規從學者踵於門列青衿幾五十人後官涇陽縣
訓導致仕歸舉鄉飲大賓應軫弟應張所閑子應璧俱諸生
應奎廩生應尾嘉慶庚辰歲貢生與從兄應軫同師邵陽康
孝廉濬以經理家務早罷秋試應軫子衍禧字吉人道光乙
未歲貢生小試輒冠軍名噪一時每歲增築書舍常不能容
列青衿六十餘人行禧弟衍祠應璧子崇太俱諸生應奎子
崇乾應尾子建乙增生崇乾子遇昌廩生衍禧子昌緒廩生
崇太孫五福諸生

雷大備字全齋陽城里雷家窠監生父振萬本生父振祚季
父振千乾隆初累出粟賑濟振千子大周振祚子大年俱監
生大備恭兄友弟鄉閭稱之大周子百里例貢生五世同堂

澄城縣志

卷十五

人物三

十七

大備子作霖字慶之諸生作霖弟作雨大年子永清俱武生
作雨字雨亭道光甲辰舉鄉飲賓百里子逢峰諸生作雨子
致雲監生昇雲諸生作霖子起雲道光己亥武解元

范標舉字雲中白其里諸生異母兄某貧不自給莫知所之
乾隆甲午標舉旣入庠誓尋兄奔馳年餘始聞兄在固原遂
往備極艱苦值日暮途窮四顧蕭條村舍俱杳悲風隕穉豺
狼怒嗥泫然日兄無耗我冒危險今宵何處將同委骨異鄉
耶俄聞犬吠聲迹之前至一部落兄在焉卽偕歸終其身愛
敬不懈卒年八十七

成周鳳玉泉里十二曲村諸生授徒里中入庠者多嘉慶初
門人追感有德教扁額

梁正忠西白村人袁憲章字宗周寺前里人成世基玉泉里
什二曲村監生党維祺字吉菴交道鎮監生俱於嘉慶丙辰
赴千叟宴

御賜龍頭杖銀胸子帽鞋袍褂

御筆詩一軸

翟繼業陰泉里翟家莊子村人生于雍正壬子幼貧寒薄田
數畝艱苦起家買地四頃有餘卒于道光戊子享壽九十七
行不持杖步履甚疾孫曾壯者或不能及

田生闊先進里南伏龍村人生于乾隆庚申嗜學樂施予訓
蒙里塾二十餘年排難解紛鄰有昏喪極力扶持舉鄉飲賓
享壽九十三歲子瑞增生孫象乾諸生

澄城縣志

卷十五

人物三

十八

王滿業善里南伏龍村人生于乾隆壬戌享壽九十一歲

雷天保遵教里蔡代村人嘉慶丁巳母沒廬墓

雷校字書臺伏龍里雷家河廩生師事朝邑張明經廷瑞明
經器許之耿介拔俗膽力過人嘉慶戊午卒年僅四十九子
時夏字季常號雲峯嘉慶丙子副榜已卯舉人道光癸未進
士安徽甯國縣知縣已亥江南鄉試同考官署無爲州宿州
知州調太和縣知縣庚戌十月以清查保舉奉

特旨陞河南光州直隸州知州

白力耘字千夫長閏鎮人十餘歲喪父家苦貧事盲母惟謹
母不以失明爲憾長業賈生計漸裕仲兄力田卒遺子未周
歲力耘撫之成立族兄力學朴拙太甚餬口不足力耘招與

同居族解元健翮贈以序有云撫少孤之姪不知者以爲子收無依之兄不知者以爲胞道光乙酉卒壽八十二子二敏字遜齋號澹園道光辛巳舉人弱冠食餼年四十餘始捷秋闈授徒家塾後主講白水縣書院年六十一卒敦監生敏子鶴齡諸生

白玉琢號竹溪三泉里永內村諸生曾祖玠與康熙戊午副榜珩爲同祖昆弟珩字照千子元樞增生創修族譜祖元韜與弟元士俱監生好義樂施代闔里完輸納父廷奎武生通醫蓄藥餌濟人不受值世父獎監生元士子芬縣令扁爲義民玉琢初爲獎嗣後獎生子玉棟玉梁析產時予玉琢田宅玉琢力卻之閉戶讀書不入城市晚年續修族譜弟玉珂一

澄城縣志

卷十五

人物三

十九

名甸川字靜溪監生善治瘍偶至縣城曹曲村盲乞夜依餅爐衣灼爛垂斃體無完膚市人棄之城外玉珂日往敷藥給餅數枚半月而愈玉岱捐千總銜玉秀諸生玉棟更名甸國武生芬子啓俸悃悞無華榮膺粟帛玉琢子雲慶早卒雲望武生雲垂字遠山繼玉秀嗣玉珂子鳳儀字成九號東園諸生工書記以遊幕終雲發亦業醫玉岱子雲蓮監生

羅爾雅段莊里永內村廩生授徒舌耕多有成立

李邦華字君實號杏園三泉里車蓋村嘉慶戊午舉人父在順甘貧守約每以未讀書爲恨邦華幼入塾讀書過目不忘童試輒冠軍旋食餼待人以誠不疑人有欺者鄉舉後鄰邑某同年執弟子禮邦華訝之答曰某昔冒名持他人謁親見

先生先生不某疑也遂相歡笑爲莫逆交七上公車房薦者六皆肩負行李徒步由山右道與朝邑李元春三原李建北以年宗結伴倡和無虛日時亦稱關中三李授徒數十年多所成就戊辰大挑借補甘肅甯夏府訓導兼領駐防滿城八旂學事署平羅縣事太守楊翼武禮聘銀川書院山長命其諸子從學日惟閉戶鈔書左傳周禮暨易詩春秋三經直解史記前後漢新唐書資治新書稗海困知記日知錄皆手錄成帙道光元年致仕主講玉泉書院壽七十三卒著有杏園制藝詩古文辭若干首俱未梓子際春諸生呼第猷三泉里交城村監生設立湯房捐地七畝

高攀桂字月堂號秋崖牙富里東牙曲村附貢生祖文鼎父

澄城縣志

卷十五

人物三

一二十

宗璠俱以攀桂官累遇

覃恩贈如例攀桂幼穎異弱冠爲諸生六試鄉闈兩膺房薦會父母先後棄世服闋語人曰向之依依里閭者爲親在今兩親已歿志在顯揚烏能鬱鬱久居此哉嘉慶癸亥入都授中城兵馬司副指揮初登仕版卽勤慎吏民無敢訛法驅逐惡丐商庶至今稱焉甲子京察一等選廣西武宣縣知縣武宣故水陸通衢水路幾二百里爲盜匪出沒之藪攀桂于要津隘口皆設立卡房遴健捕捐巡船擒獲要犯七十餘名萑苻之警潛息在任三年修文廟建書院總輯縣志一一次第舉行庚午調署養利州州境有養山利水故名前明羅洪先之父爵葉向高之父朝榮皆官其地羅至任三年生洪先葉

涖任時向高方幼肄業於署堂有額曰篤先元相聯曰爲民
父母則兼所養也宜爾子孫尙亦有利哉攀桂擬撰志稿一
冊患病中止辛未回籍甲戌病痊仍發廣西至卽署靈川縣
旋署藤縣藤故多山賊匪倚險盤踞接鄰東粵奸宄易藏攀
桂曰地方不治有司之恥吾豈以五日京兆草率了事乎爰
率衆攻山直搗巢穴生擒匪類多名餘皆鼠竄以藤縣志久
未輯修板皆漫漶爲纂增釐定數月告竣後署馬平縣益加
意整理不以勞勩接踵稍有休息也戊寅署賓州知州旣發
江蘇以知縣用督讞省局結京控案二十七起大江南北同
僚無不欽服旋署長洲縣辦理裕如道光辛巳補銅山縣雪
豐縣民婦段于氏之寃人頌神君銅山爲徐州府首邑治濱

澄城縣志

卷十五

人物三

二十一

黃河四境遼濶向有砌詞架訟俗號搭臺藉摭拾以肆貪噬
攀桂廉知險健擾良嚴訊重懲其風頓革銅山北偏荆山橋
河專洩微山各湖之水前因黃河漫溢荆山橋河淤塞以致
微山各湖水無路可出濱湖七縣之田屢災而銅山更甚攀
桂目擊心惻計洩上流壅滯必先濬下流淤墊適湯少宰主
試江南試竣道經銅山見潢汙遍野因爲垂詢攀桂以荆山
橋河淤墊之故對少宰復

命備具以

奏

上軫念元元

命速勘濬節相孫漕帥魏卽檄觀察吳郡守俞命攀桂專治

之壬午三月興工閱五十日蒞事濬河九十餘里築壩二道
樽節
帑金三萬有奇移作挑挖奎河之費大吏入

奏蒙

恩加知州銜又稟請開放藺家山壩以洩微山湖水惟時下
游洩宿一帶恐水勢浩瀚咸謂必不可開攀桂曰吾相度機
宜籌之已熟開壩則異漲方洩兩省灾黎始拯吾豈忍以鄰
國爲壑耶力主前稟准行由是湖水暢注下游居民悉皆安
堵浸淹之田漸出四五十萬頃盡成沃壤可以播種又請建
藺家山閘以垂永久桐沛豐三邑附湖之東省單縣魚臺等
縣士民感戴僉曰濬河之功爲鉅吾儕小人世蒙其庥也至
澄城縣志

卷十五

人物三

一二十一

編排保甲團練鄉勇凡事關民瘼必悉心講求每秉燭晨起
漏二十下猶未就寢日以爲常勤於聽斷卽大寒暑弗輟嘗
曰吾司民牧一邑鉅細皆環伺剖決黽勉以圖猶恐弗及倘
自暇逸則諸事叢脞累苦吾民何以對

君上耶甲申陞高郵州知州時方辦賑務兼以督學校土徐
屬郡守令暫緩卸事五月初六日卒于銅山縣署壽六十三
士民哭送者數千人皆曰數十年來無此好官今已矣塑像
祀之子凌漢字雲遠號曉亭附貢生本攀桂弟錫哲長子幼
爲世父鍾愛卽立爲嗣隨任京外二十餘年經理出納措置
悉協由銅山扶父柩歸冒暑徒行不避險難服闋以縣丞分
發江西旋遵例加捐道光甲午選廣東澄邁縣知縣在任五

年興利舉廢城池文廟橋梁衙署皆捐廉督修兼署定安臨
高二縣事戊戌陞萬州知州調署崖州知州珠崖古稱烟瘴
濱海屏山水土惡毒凌漢兩署篆亦造巡船設卡房如父宰
武宣時以海盜多竄入黎民洞中常往黎山彈壓感受瘴氣
辛丑冬月卒于崖署年五十一凌漢子瑞麟議敘八品銜改
從九職

同建伸永安里許莊村監生父爵光乾隆己酉出粟濟荒弟
建仁字靜菴捐州同銜嘉慶甲子與建伸復賑建伸子學彬
字文軒建仁子學堂俱監生道光己丑又賑學彬子國棟附
貢生署鳳縣訓導國安捐理問銜

路文秀字俊升號平原嘉慶甲子舉人居縣南郭戚友應試
澄城縣志
卷十五 人物三
一二十三
者多主其家遇縣有興作紳士畢至必厚款之道光癸巳卒
年五十九子瑄琮諸生

蘇偉元通振里鎮基村監生曾祖雲苻康熙戊子施麥祖賢
都乾隆辛卯壬子兩次施粟嘉慶甲子偉元與再從父瓊玉
同施粟瓊玉子乾元兆元俱監生五世同居

姬作民字新菴時莊里姬家河人與弟起民同受業路孝廉
先登勤慎和厚手不釋卷終困童試非應試不入城市嘉慶
丙寅知縣胡彬以鄉飲酒禮賓於明倫堂壽八十一子從周
字文軒道光丁酉副榜尊周字匡臣清周俱諸生從周子士
匯士澄尊周子士瀚士匯子良相俱諸生

姚天花業善里窰頭村監生嘉慶丙寅施粟數十石弟天眷

監生嘉慶癸酉亦施粟數十石 子李芳諸生 子春

芳監生道光乙未復施粟 來鳳 遇辰俱諸生

楊興榮陰泉里義合村人嘉慶丙寅施麥三十石救鄰甲戌卒年六十二村人刑牲祭焉子生彩生霞俱監生翰邦廩生李成瑞寺前鎮人父在豐嘉慶辛酉貿易遠遊久無音耗成瑞眊父不歸乃于己巳七月赴甯夏府過石嘴山至惠安堡道光甲申由惠安堡至大臘池鞏昌府岷州會甯縣安定縣馬伍鎮新池鎮狄道州蘭州晉甯衛甯安堡返至惠安堡癸巳三月由惠安堡至棗園堡中衛縣靖遠縣蘭州涼州又返岷州馬伍鎮到處出帖沾通衢將父年貌籍貫出外歲月作何生理告白遠近行旅已現寓某所冀有知者指示備禮厚

澄城縣志

卷十五

人物三

一二十四

酬而遠隔三十餘年杳無蹤跡又由馬伍鎮仍至新池鎮至秦州岐山縣郿縣寶雞縣麟遊縣鳳翔府涇陽縣雲陽鎮三原富平蒲城復自家至邠州甘泉縣保安縣延安府瓦壩坡吳齊鎮一亭一堠隨在訪察始遇朝邑親故傳父已去世將墳指明負骸以歸韓明經根潤記其事載東坨文存

李文彥善化里西社村人嘉慶癸酉於陰泉西石坡崖下議建立石橋工鉅費繁募化四方文彥傾田宅立券貸錢獨力督率是年九月地震文彥目不交睫一夜鬚髮盡白值大雨河溢文彥偃臥橋上誓以身殉水滿壑谷橋竟無恙越三年丙子落成橋上寬五丈下廣六丈高七丈知縣胡彬命名永慶橋白解元健翮贈以詩廩生李大麟撰碑見藝文

楊勳字元臣王代里柏門村附貢生父錫珩世父錫璋俱監生乾隆壬辰出粟濟荒錫璋子鎮泰武生捐都司銜嘉慶甲戌與勳復賑勳子質武諸生承春捐理間銜鎮泰子有育直隸承安縣典史由義例貢生長清浙江甯海縣縣丞署仙居縣知縣有育子兆麟山西澤州府經歷質武子向離由義子兆基俱諸生

白新密王代里代莊村人嘉慶甲戌輸粟賑濟知縣尹振麟扁於門子思義監生

崔興善白其里南白村人事孀母吳氏以孝稱嘉慶甲戌施粟濟鄰舉鄉飲賓道光乙未又濟壽八十五歲子思明思聰俱以壽民沐

澄城縣志

卷十五

人物三

一二十五

恩思聰事祖母吳氏以孝見愛幼失恃事繼母如所生乾隆甲辰饑思聰年十五樵牧養父從祖丕震孤貧無依思聰事之如祖從父進善嘉慶癸亥客死涼州思聰三往搬屍至辛未始認骨負歸年逾七旬居鄉無德色里人稱之

張孝仁義里鐵樓村人親沒守墓負土築墳嘉慶丙子學憲蘇給扁

姬旺元時莊里姬家河人家赤貧傭工養母已常凍餒而母養無缺得以壽終兄步元客死漢中不遠千里負骸以歸嘉慶戊寅貧老不肯干人竟餓以死三子俱幼里人憐之兄子用士自四川歸攜以俱往皆得存活

雷慶雲字瑞天白其里南酥酪村嘉慶己卯歲貢生未冠入

泮試列優等者十餘次崇實黜華取與不苟授徒懇摯多所成就無子捐所居宅爲闔族祖祠年八十餘卒

楊學讓字遜齋懷仁里道光辛巳恩貢生敦品力學教澤廣敷列青衿者四十餘人黃孝廉庭秀等爲立德教碑弟學敬諸生

馬季良字眉生號澹一奉政里馬家河廩生性孤潔爲文步趨先正督學陸平泉蘇樸園皆垂青家故貧衣食於研田學規甚嚴肅一時從遊者衆列青衿者三十餘人

李新謙忠信里北社村監生現年九十五歲五世同堂子五孫六曾孫五元孫二

任大成閩東里安里村人幼隨族某習木工未冠卽主尺度

澄城縣志

卷十五

人物三

一二十六

意匠經營不事礮斲老于規矩者供指使焉貌寢身矮鬚繞頰而善諧年七十餘猶登數丈高木捷若飛猿授徒不憚煩勞聞者率苦其難造神主遵家禮編爲歌訣不失錙黍其餘技也道光戊戌卒壽逾八十族弟葆貞爲作傳同時有土工張淵義井里張家那下村人以善搭架名喜爲大成服役善化里李文彥修陰泉石橋全倚張淵待之甚厚

按張秉直徵信錄曰龜筮日者名列史記梓人種樹亦見柳文雖曲藝微長古人亦不忍沒也若夫元門釋道豈乏高人恐滋同黨之疑敢效異學之擯

葉茂春義井里楊家窰諸生初從族明經臨泮子學時蒲城蒙進士浚由縣令告歸主講玉泉書院茂春肄業其中進士

命及門石鍾靈授茂春經茂春遂延石于家乾隆癸丑茂春年三十五始列青衿子蘭譜方十歲督課甚嚴後命師權可與去家三十里茂春徒步送薪米蘭譜爲諸生列優等鄉試薦不售茂春慰解之蘭譜有兩弟俱授室生子先後夭折蘭譜長子已抱孫方慶五世同堂未一年孫曾相繼亡嬰兒亦殤蘭譜悲鬱而卒茂春撫幼孫三人精神矍鑠現年九十二侯春旭字萬升寺前里侯家河人道光癸卯年八十五五世同堂曾孫茂奎已酉武舉

王元峯字益山奉政里撲地村例貢生祖紹睿字子章乾隆甲午舉鄉飲賓本生祖紹資父成肅元峯五歲失怙事嗣祖得歡心年十四卽援例入監祖壽八十有五葬祭豐裕母張

澄城縣志

卷十五

人物三

一二十七

氏孀居四十餘年

旌節建坊入祠性謹恪言訥訥如不出事無鉅細必慎於幾先居家儉樸不妄交遊教子入塾延韓榴園明經伯熊十有五年無倦容道光癸未卒年六十一子桂森諸生臨泮一名桂芳俱早卒臨泗監生議敘鹽知事臨泮子輯瑞監生高大自然字實徵牙富里東牙曲村監生兄大德字容菴訓蒙鄉塾藉館穀養母束脩不計多寡大聲早卒妻樊氏以節著遺子幼大德撫之如子大名隨從父攀桂遊京都代辦家務年三十而鰥不再娶後由粵之吳攀桂依如左右手以襄理荆山橋河工積勞成疾卒于銅山署年六十里人惜之曹保身玉泉里人父更新監生保身十一歲喪母成氏十七

歲卽服賈險遠少獲利輒歸以奉父雖酒食遊戲之債或衣服質錢以快孤注者皆竭力償之贖之有告以試勿償贖者答曰我父生長逸樂今有子豈可使衰老受迫蹙乎繼母韓氏待保身時乖情理保身委曲承順終無憤恨意道光丙午保身壽八十三榮膺粟帛今尙健子亦醇謹

曹仲元建都村人事堂兄孟魁如父凡衣食使用往來交際皆先意預備嘗自市歸中途忽憶未爲兄買肉同行者曰日暮途遠且歸乎明日再買未晚仲元速反買之至家兄問遲故以實對兄怒曰爾他無所忘獨忘爲我買肉爾心無我虛套何爲揮之使去繼以肉熟而進之不食仲元浼兄素所親厚者跪而謝罪兄乃食友愛之誠終如其始鄉人共矜式之

澄城縣志

卷十五

人物三

一二十八

道光己酉卒壽八十六

權可與字未亭號畫塘段莊里權家河諸生父致中精醫理病者貧不能再延輒策蹇自往世父守中諸生可與少聰慧讀書過目成誦諸子百家恣意漁獵爲文軒昂朗爽用古如自己出表弟任郅隆登賢書高陵李涇將入都迂道過訪見可與擬古諸作訝曰驚才絕艷自成一子目中固無餘子矣旋因患咯血養痾任氏家塾繼移所居之白牛齋授徒之暇究心素難諸書自張仲景而下劉河間朱丹溪李東垣王叔和以及俞嘉言李時珍各家所著評閱殆遍就醫者無虛日但述病狀卽奏效卒年五十九及門登鄉科者數人列青衿者數十人著有白牛齋集子余容亦業醫

韓執信西觀里南窪村人服賈養母忽覩母淚痕驚問故母曰汝外祖南遊數載無耗是以悲耳執信朝夕圖惟縮衣食積爲路資尋至湖省閱三年始負骸歸母對人輒稱其孝劉學向字克勤奉政里劉家河人事孀母孝祖歿廬墓王之棟時莊里柏社村人賈于朝邑趙渡鎮募金創立義學買地三十畝佃租備束修之費村中貧者賴焉

王永陽城里堡城村人傭工養親母沒祔葬廬墓三年

樊文漢懷仁里樊家川人通醫尤善治瘍人推醫宗

郭一元新其里新莊村監生父育植徒手起家稍裕卽施粟濟鄰一元質直寡言笑里有爭訟者輒爲排解子大中監生

孫 諸生

澄城縣志

卷十五

人物三

二十九

党文廣寺前里党家莊人五世同堂

楊江閩東里塚子頭人五世同居

葉大玉字荆山義井里人舅氏馬某老而貧太玉迎養于家每歸必餽粟布沒爲營葬道光庚寅卒年五十八子召棠字蔭南諸生丁未四月卒年五十三

王大學賢德里北趙莊村人道光壬辰施地十七畝于社公廟子志健廩生

曹建新字樹齋玉泉里歸安村監生祖德進字學庭父有義字立敬精醫建新性慈祥年二十以父疾不遠出暇時取醫書讀之父止之對曰兒從師十餘年讀書無所得父爲兒指授或聊成薄名使父半生精力傳之永久不亦可乎父頷之

比父歿葬廬墓嘉慶丙寅斗麥值銀二兩建新盡出麥三十餘石穀二十餘石以續空乏卽告曰無須償後感者謀刻石誌德建新曰小惠本不足記且麥穀乃先人所漸積敢沾名乎事遂寢道光壬辰卒年五十三子景植廩生

張效義字宜之寺前鎮人祖鈞字孟嘉父際泰字咸亨效義初從仲父際春學後師何明經種元博極羣書邃于理窟爲文不屑趨時五十餘猶應童試弟正新廩生子元瑞字班侯子舉人道光庚子舉人咸豐癸丑大挑二等銓藍田教諭

趙文典郭下里北纂業村人祖綸字大經父一興兄文獻文章力農孝養家稍裕文典始服賈喜與士人交延師教子蕩

其產未五十卒子成琳字琅函子舉人大挑一等銓高陵教諭

澄城縣志

卷十五

人物三

二十

崔統基字承之縣北關人祖經魁武生父生玫卒于嘉慶甲戌壽六十四兄紹基字復庵於縣署前設小肆獲利輒以奉父後父六年卒年四十一統基雖居闐闐無市井習氣道光乙未施粟濟饑癸卯五月卒年五十八弟縉基字笏臣監生紹基子景雲廩生早卒景都武生

楊雨春武定里党家莊諸生道光乙未賑濟兄發春附貢生

捐經歷銜弟邦棟捐縣丞分發甘肅

李廷彥業善里人將死無子畱千金創修義學諸生李華國求韓進士亞熊撰碑見藝文

雷在丙馮長里武生年十二失怙事異母兄生雨視他人事父倍謹十九歲兄歿悲傷廢飲食或勸以諸母在堂猶子幼

宜少自愛乃節哀治事奉諸母彌敬慎曰今豈有兄分任耶
生母黨氏病親乍湯藥盛暑不少離比卒廬墓三年道光丁
未卒年僅四十二里人咸悼惜焉

翟步璋字達甫號寶珊王代里楊家莊道光己亥舉人父愼
昌事母孝步璋十餘歲師事教諭武威張綺中儲文未冠補
諸生試輒前列楷書工整甲辰考教習已入選旋以菡字音
誤見擯乙巳報罷以病歸丁未二月卒年三十三

呂清音字琴淦三泉里杜家窰道光甲辰副榜幼聰穎蒲城
李序東廣文鏞主講玉泉書院清音肄業八年童試冠軍又
冠諸生文刻陝甘試牘丁未卒年未三十

附董庚壽寺前里梁家坡人昆弟三庚壽最少祖紀成攜

妻遠遊客死武威縣父良史嘉慶初與其從弟鰲尋至涼
州聞親骸俱埋義塚已纍纍不可辨浩歎而返後死宜君
縣庚壽母歿于家有破屋一區兄欲賣之庚壽曰母窰窳
未卜奈何棄宅自便耶兄葬母他往不知所之庚壽病足
長爲乞人念先人委骨于外欲行乞往覓遂學二股絃道
光壬寅庚壽年二十一往宜君山路崎嶇去家四百里庚
壽拄杖行數月攜父骨以歸人訝之以其病足而道險也
答曰吾上山匍匐置吾父于前推之以行下山則坐移置
吾父于後挽之以前窮日之力不過數里積日旣多山不
能阻我也居二年又往武威四閱月始至晝乞食夜卽卧
叢葬處值大雪無可如何一夕方臥聞一嫗呼曰客何一

寒至此不如暫到我家庚壽隨之往餒甚嫗與之食庚壽曰一飯之恩後當登門拜謝嫗曰數千家一樣門戶何以識之盍積雪爲記忽驚醒遍尋墳內果一墓雪堆如小山擗地視之甌上有字其祖母也又夢至一翁家醒則所臥非故處擗之得一白石祖之名在焉遂入城訪白石所由來始知祖友陳元曾所埋時已六十年矣俱裹之以歸鄰人欲助葬庚壽曰聞吾兄在延安若遽葬兄何以歸耶逕往延安召其兄今尙未返所習二股絃歌以乞食並無別曲皆自敘愁苦聞者墮淚姚孝廉劭誠采其事庚壽年甫三十爲破例存之